

Thu tuomtuom leh thumna a thei dingte:

Halui a issua Haiti gam a Zilling a Shi khu Lakh 3vel aphata hi. Azieh pen mimangthang, inn in anet khah teng dam in kimukia non sih va chieh in gintat thu adih a kipom ahita hi. (CNN. Alzazeera, BBC).

Date 22-24 January sung ZPYF Lakutpi Zomi Colony Presbyterian Church ah aum a lawching mama hi. Mipi phelum pul bang in khanglai ngen dimlet vawt. Kihengla den pum in kikhen khong ahita hi. Rev. Stephen Chinzathang, Executive Secretary i/c Youth in Programme honkhiehna nei hi.

Tualeh Rev. Tualzachin Sr. Executive Secretary leh Rev. Awnkhankhup, Moderator ZPCS ten thugenna nei ua, Rev. Khamchinkhai in zingkal chin in 'Solomon late' Bible Study abawl a, PYF-te lungtang sulim mama hi. Tua ban ah 'Praise and Worship' thupi a nei in Rev. H. P. Runremthang in Seminar Paper-I la a, tualeh Pu Chinlunthang (LLB Advocate) in 'Economics-Back to the Soil leh ' Education Perspective and Challenges' thupite zang in Seminar paper II & III a present hi. Lakutpi sung in eima Local Artists 100 valten lasahna nei ua, Guest Artists K.S. Lianzaw, Vungthian-kim, Ngaineilhing, Lhingboi of Tuilaphai ten phatna siemtah hingsa ua, Khawmpi suh nuom mama uhi. Mangpa'n thupina tang taken.

Synod Driver tha kilata: Date 25th Feb in Synod Driver thading interview na a um a Upa Nengkholang Tapa of Mata Mualtam Presbyterian Mr. Kapkhanthang kumkhat adin kilata hi.

Zou Synod Khawmi zong kichaita: Date 11-14 Feb. 2010 sung Zomi Colony Presbyterian Church ma ah Zou Synod Khawmpi um in lawchingtah a zaw ahi tahi. Tutung Khawmpi in Sum muna zousie 80,00,000.00 bang pha in Rs. 100,00,000.00 (One Crore) Lakh zakhat bang Pasian muonna in Budget imuphah ding kinem in pomna a kinei hi. Date 15 Khawmpi kikhen ni zingmawng in Synod Moderator tha Rev. Khamchinkhai in Nu-meite innlam Lakh 12 bei in kilam 'Orphanage Home' zong kichi Honna nei a, Synod Khawmpi mangte'n ki uap chiet a, mipi kilip mama hi, taga 5 ki umсах ding in March 15 pat in a umpanta ding ua, i thumna na uah thei chiet vai.....

EDITORIAL

M angpan huntha leh piendantha mu zel ding in i hinkhuo hing suhsau pieh ban ah kumte ang galkaisah ta a, tu in a hanina zou in a hathumna ah ang ding sah tahi. A hathumna ah hui landan leh khuo umdan ang kilamdang deu a, khovuite ang kai panta a, lungleng theite a ding i hun peimasate ngaituohin ngaituohlou ding tantan bang ang ngai tuohsah hi.

I hun zah masate ah i lunglennate khu i lawm deitah tetoh iki thuo dan, i ngai pente toh hun i zah khom dan i ngaituoh chieng a, i lung leng leh lunghel ihi uhi. I lunglennate leh i lung lennate kangai tuoh chiengin ka lungsim ah tam bangin ang ki lang a, Ang-siempa Pasian in hoi asah leh pha asah bang a mihingte angsiem leh ang bawl ahia; adeilou lam ibawl chiengin khaw asah ding a, ad-eilam ibawl chiengin, ngaituoh thakia dingin ngaisut talei, alung aleng in, angai ngutngut ding in ka ngaituoh hi. Pasian lunglengsah thei leh Pasian lunghelsah hinkhuo iman uh kipahmaw in ka thei hi. Pasian thangpaina leh lungthana a hinkhuo mang ding a siem a um ihsih uhi. Pasian kipahsah hinkhuo mang dingin pan la va ui.

.....

BANGCHIIN MACHIENG I SUON DIEI? BANG CHIIN PA-BANG I LUUN DIEI

- *Hangsantung*

Hun-le-ni lah bei zungzung, damkum lah tom semsem, gam le nam lah khangtou hieihiei... Thugensiem lah pung deudeu, piengtha lah tam semsem, Biehinn lah lien deudeu, kikhawm lah tawm hieihiei... sum leh pai muna lah sa'ng semsem, kicheina lah uong deudeu, thawlawm lah a ngaingai... mimawltah ngaituona'n zong "Bangchi ata diei?" chilou thei ahinonsih hi. Khristian culture lah hibuong lou a, mawle?

Khristian - gingu lah pung deudeu, pawlpi ngainatna lah uong semsem, ettontah Khristian lah tawm hieihiei... kikhopna innsung i en a, a lungzin huoi in a puohnat huoi mama hi. Biehinn sung a ut bangbang a um a, dudu nethei ma a diei? chi khu gingleoute dotna a suohta! Thuhoi pipi kigenkhe gige, a zuilah umtuonlou. Khristian ka hi kichingal Bible lah Apkai lou chou! Phunsanna ding um lelah a mihoi teng in tuoh, gensietna ding um lelah a kipezou dawmteng in thuoh. Nunnem ding gentam sem lei kigensietna pung semsem! Ziinma'ng vaihawm adiei, Sianmang laitan? Lung in geelmawng e....!

Innsung kivaipuohdan i en a Pa in Prime Minister dinmun luo

nan leh NU khu a Chairperson a suoh ta. Tate etzui thei ding nu-le-pa a tawm hieihiei ta. Tuachi'n tate innsung ah a mihoi thei mama ua, nanleh kholai ah vang nu-le-pa'n "kata" chia a ki-letsahpi thei ding a va'ng mama tahi. Bangchiin machieng i suon ta diei?

Midang lah a um chieng a lah Solomon bang a pil, Vakhu bang a nunnem, innsung a lah "Lungme" bang a koima toh umkhawm theilou! Vaiguon teng a lah a saingap lah hilou, v aisaite demna ding lah hau mama jel, mi nasep (silbawl) ten a phunna'ng khop mu gige, panpi lah sawm mawngmawng lou. Mi'n lamkai in pangsah lelah ama thu chauh kila leh ut, pangsah sih lelah

SUUN NA

UPA KHUPGOU

Upa Khupgou khu kum 1929 in Buhsau khuo ah apieng a Pu (L) Lunsel leh Pi (L) Mandon-te tapa nina ahi.

Ama Upa Khupgou kum 1942 in Khristian ah ana kipie a, 1982 in a piengtha hi. 1956 in Baptisma Rev. (L) Goukhochin khut ah ana tang hi. 1973 in Tuaitengphai ah MGP Upa diing in Rev. Vangdal in a namdet hi.

Tualeh 1969 iin Govt. Teacher nna anasem pan a, kum 2000 kum in asepan zou in ahing pension tahi.

Ama khu Hattuum ngaisah leh taima mama mi ahia, Upa ahina dawl ah lungluttah in Hattuum ana enkol hi.

January 20, 2010 in thakhat a hing na zuoi in Damdawi inn tut hinanleh damzou talou in a kumtawn gam a diing in ahing peisanta hi.



UPA JAMKHONGAM

Upa Jamkhongam khu (L) Upa Holpau Mate, Ex-MLA & Nu (L) Veinem tapa thumna ahi. Date 17th May 1954 in Tuining khuo ah apieng a, 15th July 1972 in aji ittah Chinghoiniang toh ana kiteng uhi.

1970 kum in Vimala Raina High School, Churachandpur ah Pawl sawm (Class-X) ana zou a, Nov. 1 1984 in Govt. Teacher (Service) ana mu hi.

April 20, 1988 in Manipur Eastern Presbytery Khawmpi ah Hattuum Upa hidiing in Rev. V. Khamthawng khut ah Ordination ana tang a, Kum 1993 in Tuiningkuol District Secretary in ana pang hi. Manipur Eastern Presbytery ah kum 1995 -1996 sung Executive Secretary in ana pang a, MEP Secretary in kum 1995, 1998, 2005 in ana pang hi. Kum 2007 in Zou Synod Secretary (Sr) in ana pang a, 2009 in Finance Officer in ana pang hi.

Tualeh, June 10, 2006 apat Feb. 02, 2010 tan Zogam Leidi Secretary na gin-umtah in ana puo hi. Tambang a khovel hinkhuo anazah lai in lungphu natna jieh in thakhat thu in ahing gimsie a, Hospital tut hinanleh dam zoutalou in ahing beisan tahi.



Tuni in tami laa in zong Setan
henkaw! sung a taang ei Zomite
tum mang sieng ding a tampi
umte, tami laa in hing khanglou
sah in michin hing phong hal kia
taken. Amen.

Mite'n Bible graduate tamna
mama a ang genlai un, eite va'ng
Pasian nasep graduate khalou i
bang uhi. Pasian nasep zongsang

(addict) mi 10/20 banah Pasian
thu overdose a shi mi 2/3 tanbeh
i um chieng un Hagau Siengthou
nasep umzie i theisiem pan ding
ua, Jesu'n i lah uah Munsa'ng
pen hing tang thei pan giepva
chikhu keima mimal ngaituona
ahi. Hun kiheijel mabang in
Pasian nasem ding tamkhopi
neita uhi. Hinanlejong a theis-
ate lah chouh a Pasian nna i sep
in bang Gahoi leh thupi ang-
tun tuom diei? Pasian nna sem tah-
tah vai i chileh, Unau hinailoute
kotbieng a lut in Hundampa hing
itna simthu khaubang suutpi zaw
va-ui. Tuachilou in, bangchiin
machieng i suon diei? Bangchiin
pahbang i luun diei?

GENTHEILOU KHAWP A
ANII-NII A KIPAH THEI AHI.

- Gloria Zimboi

Mihing hagau hing kisiem tha gaa khu kipahna ahi. Khen khat ten tam kipahna bang ahiei ithei sih ua ngaitua zong I ngaitua kha sih uhi. Kipahna ichi in loupaii tahmai a sil abawl thei dan ithei siem sih uhi. Thei siem hitalei maituol jen ahilou leh ngongkoijen a lungkham mel polou ding i hi ua. Tualeh mahin kipahna nei pa khu ka lengpa, ka bangkim nahi Mangpa chie ipum iluong a ki laan khie a kadei aw Mangpa tam bang teng pii nang guoljawl kipah sam ing e lawmlawm mai ichi ding uh ahi.

Mangpa Jesu ka hundampa chie napawm a Lai-sien-thou mai-mai nasiim-siim a thumna na nei lou leh bangma na lemlaw sih ding a. Tualeh, thumna mai-mai na nei a Lai-sien-thou na siim lou leh bangma a phatuom tuon sih ding hi. Kipahna na nei thei nadingin giinna napoimaw a, Giin na det-tah na nei thei nading in asiim a siim tam angai a – bangthu – Pasian thu sieng-thou, Athum a thum tam angai a – koi kung ah – Pasian kung ah, Aja a jahtam angai a – Bang thu – Pasian thu. Tam thum te khu giingtu hinkhuo ading a apoi-a-poimaw ahi. Khen khat in Thuhunlui poimaw sih thuhuntha chawu simvang achie, khenkhat kia in Thuhuntha poimaw sih Thuhunlui chawu simvang achi ua mo! Hinanleh thei ding a hoi khu Thuhunlui leh Thuhuntha anii a apoi-maw dan kibang tel tuom ding umlou. Thuhuntha na theisiem nading in Thuhunlui na thei angai hi. Pasian lai sieng-thou nasiim tam chiengin, nabawl thei lou nate ah bawl theina ahing pe ding a. Thumna nei dingdan thei lou te thumna nei ding dan anghil ding a, Na giin tattheilou nate ah

giintattheina ahing pe ding a, na kipah thei lou nate ah kipah ding dan a hing hil ding hi etc..... Thumna na nei tam chieng in na-lung tang giinh mama te ang jang ta ding a, Na lunggel ang nuom ding a, Na thumna Pasien in ang dawng chiengin kipahnan nadim ding a, Na lam et na khu Pasien ah na nga thei ta ding hi. Etc... Pasien in loupaii tah mai sil abawl piehte tanchin na jah chiengin hii e maw Mangpa! Loupaii leh Lamdangpa hi vawt chie nang bang Pasien dang um vawt sie na chithei ding aloupaii na khu nang tung ajong niisa bang in ahing tang thei tading hi.

Lungkhamna, Lung awpkaina, Dana chite khu na kithujaw sah leh Satan mun awt nasuo a. Tuahjehin, Pasien hatna suongin kipah dan jil vai. Tam bang a na kipah zing leh dawimangpa leh a sawltah ten ang nuosie ding uhi ajiehpén amauten kipahna, lungmuonna, iitna chite khu um dan athei siem sih uhi zong athuoh jou sih uhi.

Lapite 16:11. Hinna lam khu nang-man ei kawmu vachin: Nei umpi jieh in kipahnan ka dim a, Bangchitan in zong ka nuom leng hi.

LAA THU GENNA

'Aw Pasien hing nai ing'

(Nearer my God to thee)

Labupi 5th Edition No. 205 S.S. 531

- Rev. Khamchinkhai

Aw Pasien hing nai in: Tami Laa phuoh-tu Adams zi Sarah Flower Adams ahia, England gam Essex biel Harlow khuo ah 1805 in api-eng hi. Kum 43 achin in tami laa ahing phuoh hi. Athu Genesis apat lahkheh ahia, tami laa aphuoh kum in a shi a, ashi zou in Biehna Labu ah 1850 in akikhum hi. Gingtu ten adei mama ua, mi tampi lungkham leh da-te khu lungnop sahtu leh Pasien tawh kimuna Laa ahing suoh hi. Mangkangte Seth Parker in Radio apat in Ladei sawm chiet tel dinga apuon lai in Laa dong singguh (60000) val aki thotna ah, tami laa khu mi singni zaguh sawmgiet leh giet val in a tel uhi.

Tami Laa in mite lungsim ah naa asepdan tam aney a bang ahi:

i) Dated 14/4/1912 ni in Titanic Tembawpi Atlantic Tuipi Vuokhal a phuh khah jieh a tum ding kuon in Band Party ten asa uhi. Tua hunlai in tam Tembawpi khu leitung a lienpen in aki gen hi. New York zuon ding in mi minthang tampi tah leh khuolz in mi sangni (2000) val atuong ua, ni thum apai zaw nua un Vuakhalpi phukha in tuipi sungah awlawl in atum hieihiei a, suotatna ding vanjat in mipi atamjaw a dawl zou lou

zsiehin mipi te chimaw gawp a sum laitah un Band Party pawl in tami laa a asa ua, mihonpi'n zong asahpi ua, ni thum (3) vel kipah taha asah jaw un mi sangni (2000) val lah ah zasagi som leh khat (711) suohta in addang teng tuipi sung ah atum mangta uhi. Tami Laa in lungkham hun shina hun atun vang in mipite ahagau ua ding in lung muonna/hamu-onna aneisah sieng hi.

ii) America President Mc. Kinley ladei mama ahia, kum 1902 in Buffalo ah galten akap ua, ashi masang ahun nei hung sung ten-

Letter

Rev. T. Chinzathang Mission Director
Zou Presbyterian Office, Zomi Colony
Churachandpur, Manipur

Lalpa Grep huan a Seppi unau Zou Presbyterian Church member te Lalpa Jesu min in chibai ka hung buh uhi. Date 18-12-09 ni in dam in Mission Field ka tung uhi. Christmas leh Kumthak zong thawveng tah mei in kazou uhi. Kumlui 2009 hunsung in Lalpa huh na zaal in gingtu mili (4) Pathien thu oi in, ahunglut uhi. Piangthah mi kua (9) tuiphumla mi kua (9) hibang teng chu kumlui a nasepna ahi.

Tu dinmun in Bieh in 4 (Worship center 4) ka enkol hi. Ka nuai ah Local Evangelist in mi thum (3) a umhi. Pathian ni chiang in Biehinn khat chiet ah ka lamkai chiet uhi. Ken Lalpa Nitahann (Lord Supper) hakhat in khatvei jel Kouhtuom te lah a ka hawm zel hi.

Kumthah 2010 kum a ding in Goal and Plan chu hichin ka bawl uhi. Ka lawchin nang un hungna thumpih zing un.

1. Gingtu a tawm top a sawm beh mudoh diing
2. Piangthah Baptisma tang diing mi sawm (10)
3. Leader khat bawldoh diing
4. Biehna khat (Worship Center) puhdoh diing

Tutung a diing in hizat in zouphot ning dam in Mangpha chibai Kouhtuomte zousie

N.B: Zou Presbytery in thusuoh bu hateng a aum leh na hung thot uh ka hung ngen hi.

Lalpa Grephuan a na Seppi uh

Rev. Thangzalun Simte & Family
Borapalem

P.O. Korra, Araku (R.S.) Vizag, Pin: 531151, A.P

MIHAUSA TE PASIAN GAM A LUT SANG UN

(Luke 18:25)

- By P. Samson Chinkhanlal
New Lanka (G)

Tam itang tel na ah mihausate Pasian gam lutlou ding hileh kilawm tah in agen hi. Leitung ah koima sum-leh-pai, neh-leh-tah, nei-leh-lam kiching tah nei ding a utlou i umsih ding ua, hausat utlou koima i umsih ding uhi. Hausat utlou in nasemlou in um zing lehai neh leh tah sil leh ten inn leh lou inei zousih ding ua i hing zousih ding uhi. Hausat ut mama hinanleh minei bang a

nei zoulou zong mi tam tah i um uh. Hinanleh chikia zel lehai lungkelou tah leh thanuom tah a asem tam te mah mi lawchingte ahi zel uh. Mi lungkie beite a ding in lawchingna hausatna khu athubai sih ding.

I tang tel uh khu mihausate teng ahausat zieh ua Pasian gam lutlou ding uh ahisih ua mihausate ahausatna uh kiletsahpi a asiemtu Pasian theipha votlou mite khu Pasian gam a lutlou ding dan uh nasatah a agenna ahi zaw hi. Hausa in sum leh pai neh leh tah sil leh ten neh seenglou leh zah seenglou nei nanlehai Khrist a hinna inei pouleh Pasian gam khu ei a ding sa ahi. Tualeh, eilah ah zong adieh in Khanglaite lah ah sum tamlou nei hun leh nu le

pa leisah sa sil leh ten hoi deu nei chieng a kiliensah sim ngal kisa thei sim ngal zong itam uh. Tambang ihi leh Pasian neilou mihausate mama ten anei alamte uh akiletsahpi thei ding ma uh ahi. Zawng in hausate nanlehai Khrist a hinna ineisih leh vangam ei a ding a siem ahitheisih ding a hausate in zawng nanlehai Khrist a hinna inei pouleh vangam khu ei a ding a siem ahitheipang gep ding hi.

Ei lah ah zong mihausate milien milal tam tah ki um henla amau ten zong anei alamte uh itlou in Pasian gam nasepna ding in kiphah tah in hing tuoh khejel uh henla pawlpi nasatah in hing khangtou henla Manggam lien-

tah kikeh lienzou leh ut huoi isa mama uh. Hinanleh sum leh pai kiching tah nei set sut nanlehai Pasian i lamkaitu a ipan sah sih uleh buoina ipumpel thei dieh sih ding ua Manggam ikeh lienzou dieh sih ding. Gari khu tailam leh vangih puoh lam ah mihing tha tawh teh theiguollou a hat mama ahia hinanleh a tawltu a umsih leh atai theisih ding. Gari atai theina ding in gari tawltu in gari asuh hing phot a tuozou chieng a atawl ngai ahi. Pasian khu silbangkim bawlthei ama ading a bangma ahamsa umvotlou

ahia, agam kehlet zawguol ding ahisih. Manggam keh letzawna ding in Pasian a khatna a i koi ua nasatah a panla ngai banah Missionaryte mama in zong shi ngam a Pasian min a pan alah uh ngai ahi. Pasian hatna suong a si ngam a pan ilah chieng un Pasian in ma ahing pui ding a tuachin Manggam i keh lienzou ding hi. Pasian hatna suonglou in vang Manggam kehlet zawh ding pen a baisam vawt sih ding.

Simtu zousie Pasian in hing guolzawl taken.

Khanglaite Mission

Upa Khupsuankham
Central Church

Thupi:

“Khanglaite vo, na khandawn zaluh kizou in” (Thuhiltu 11:9).

Thumapui: Khanglaite Mission chi thu houlim thei ding a ang siempa Pasian in hun hoi ang pieh jiehin a min i phat masa uhi.

1. Khanglaite hinkhhuo leh akum: Khanglai kichi khu bang e? chi gen masa talei, Misiem ten Khanglaite kum leh a hinkhuo uh gendan a kibang sih a, khenkhat inn kum 30/40 tan zong Khanglai ah amin-vaw ua, MPYF danbu enlei kum 1-35 dong Khanglai (PYF) chi imu uhi. Siemna leh pilna khu a tawp a um thei sih a, mihiemkhat khu akisiem a, lai ahasim leh a siemna uh akibelap deudeu hi. Hinanleh tasah khandan khu atawp a um thei hi.

THUTAH LEH THUDIH

Tam “thutah” leh “thudih” pen khenkhat in azah dan ki bangin ijang ua, hinanleh tam thutah leh thudih pen akibang vawtlou akhiet a, kikhie ahi. Thudih ichi chiengin sil ana um sa ahilouleh anaum khat theichet na ang pieh hi. Tualeh thutah kichipen thutah vawt ahi mawngmawng thudih sang a sangjaw pen-pen khu ahi. Lai siengthou in Pasian thu khu thutah-tah ahi achi hi. Mi tampi in thutah kilelang khu zuou ahi achi uhi, Hinanleh Pasian deidan in thutah kilelang khu zuou hi mai-mai lou in Pasian a thugente ahun leh amun dung zui a hingtung jel te zong ahi. Thutah khu hagau dan (law)te khu ahi.

Giingtu khat damlou in Jatoupa’n tangbang natna naneihi chiin apuong a. Tam Jatoupa’n a puong pen thudih mai-mai ahin hinanleh thutah vawt khu ahileh Pasian in ana gen I Peter 2:24: “Khrist in eite khelna zousie tahsain a puo a, singlamte tung ah attut ta a, tuachiin eiten khelna shi san a dihtatna ah hinna i hing nei thei kia ta uhi. Ama liemna jiehin noute suhdamin na hing um ta ua.” Tuatke khu ahi. Thutah khu thudih sang in aloupijaw a. Tuajiehin, Tua thudih Jatoupa thupoun pen bangtoh-bang in huoisie in dipkuothuoi nanleh tua thutah-tah nadamlou na tungtang ahileh suhdam nahita chi khu ahi. Kum sangnii lai a sudam nahita bangjiehin – Jesu Khrist Cross tung a khailieh a ahing um jiehin

mo! Tam bang natna hinkhuo subuoi Pasian a i kipah nading bangtah a kipah thei lou khawp a hing subuoiten itasa tung ah thu anei nonlou chi lungsiim teng-teng, lungtang teng-teng toh giintat dih bangjiehin – tam khu thutah-tah ahi jiehin (Mangpa’n loupina tang taken). Johan 8:32. “Tuachin thutah khu hing thei va uchin, tuachiin thutahin suotatna a hing pe ding hi” a chi hi.

Tuahjiahin, unau - sanggamte aw tuni apat thutah tahte leh thudih mai-maite khendan siemvai athu siengthoute zang kawm in.

Mangpa Jesu’n loupina tang henlen siimtute hing guoljawl taken.

naubang akana ah, alam dangtuom sih uh' achi khu atahtah amuthei in a um hi. Pasianin thupina tangta hen.

TU-LE-TUA TAHSAPTE LEH THUMPINA DINGTE:

1. Mi Biehinna a kikhom akihihiehin nongkaina tamta a um a, Pastor Quarter-cum-Biehinna zahthei inn lien deukhat Pawlpate apat ang ngaituosah theina dingun.
2. Incharge Pastor leh LCCte adingin thumpi va-ui.
3. Nupawl leh Khanglaite ang din theina dingun thumpi va-ui.
4. Tu-le-tua Prayer Cell munni akinei khu mun nga(5) tan beh a nei ahitheina dingin thum va-ui.
5. Incharge Pastor zahding Two Wheeler beh leizaw ahitheina dingin thum va-ui.
6. Belampu (Upa) ding mi ginumtah tel ahithei na dingin thumpi va-ui.
7. I nungah-tangvalte uh Pindan mai hilou a Dan Siengthou a ZPC-Bangalore min a kiteng ang umtheina dingin thumpi va-ui.
8. Tusang a kipumkhatna leh kituoh semna ang umtheina dingin thum va-ui.

Tualeh atawpna dingin tamtan a masawna leh khantouna ang umtheina jiehu khu Pasian leh Synod lamkaite kihonna leh kiphala ga ahia, amaute tung ah zong lungdamthu nahpitah agen ahi uhi. Genkhial genval umte kingaisiem ni, thupina zousie Mangpa'n tang taken.

Khanglaite kum anuoi a bang in khen in, genvai:-

(i) (Early Adolescence:- Kum 13-15 kikal sung ah mi ahi ua, amaute nungah tangval hindan kisin patep in, atahsa uh khandan zong ang zattuom a, nungah tangval hiding lam ang lunglut pan ta uhi.

(ii) Mid. Adolescence:- Kum 16-17 kikaal a mite ahi uhi. Amuate khu numei leh pasal hina lam zong ang lunglut thei ta uhi. Atha uh hat in aki hatsa uhi. Akihatsah uh vangin bangpi in zong ahat tuom ngie-ngua sih uhi.

(iii) Late Adolescence:- Kum 18-21 kikaala mite ahi uhi. Tam mi hun khu tahsa khanna kihilhun ahi ta. Mi piching hina a sil nei zousie zong a nei bukim ta uhi. Tualeh gaalkap a zong pangthei ahi ta uhi. Bible in kum 20 chinglou mongmong khu gaalkap a apan ding a oisih hi. (Num:3)

Khanglai hun sung khu tahsa leh melpuohdan kikhelna hun ahi. chivom, lunggel leh taahsah chibameng tuomtuom te kikhelna dingin kigingta nonda kon in, Nusan,nuvom (Make up) na

bawl ngai ta va. Kum 21-40 tan sung pen Ji leh ta, Innten, louten dan kisin na a lunggel hun ahi ta a, hinanleh Khanglai a simtha na lai ahi.

2. Mission: Mission kichi khu Latin Kamal "Mitto" kichi apat leh chamber 20th Century Dictionary a achidan a kipat a kiladoh ahia, tua khu "Sad" china ahi. Greek kamteng kah "Apostolos" kichi kammal toh kibang ahi. Tami zong "Sawl" china ma ahi. Tuajiehin Mission ichi chiengun Khantanhoi huonzahna lam mai hilou in nasepna tuomtuom a "Sawl" a i um na uh tanpha ahuom hi. Tuajiehin in Khanglaite Mission khu 'Sawl' a aumna uh khu ahi.

Khanglaite Mission tambang in gen talei:

(i) Nu-le-Pa jatad ding:- Bible in Khanglaite Mission ding a khoh-taha anagen khun "Nu leh Pa jatad ding" khu ahi. (Ex. 20:12) Deut. 27:16; Thupil 30:1)

a) Nu leh Pate jatad khu dam-sawtna ahi.

b) Bible in nu-le-pate lungthahna mit a aet ua ahi leh zanggam a vaah te bang va un, Langta te'n asa ane ding uhi.

c) Bible in koi hinanleh anu apa gausap khu thalkin heh achia (Ex. 21:17; Lev. 20:9). Tuajiehin, Khanglaite Pasian in a Mission ding ua, apieh khu nu-le-pa jatad ding kh u ahi.

(ii) Nu-leh -Pate thunun ding:- Pasian in Khanglaite Mission ding a apieh khu Nu-leh-Pate thu nun diung khu ahi. (Thupil 1:8;6:20; Col. 3:209) Khanglai ten nu-le-pate thu a nun ua, ahileh nu leh pate zong tate tungah akipah ua, Pasian zong a kipah hi.

a) Taten Khangdawng hilai hun maimai a a Nu-le-Pate thu a nun ding uh ahisah a, tesie ahitan dong ua aman ding uh ahi.

b) I g am sung uah nu-le-pate thumanna akitasam in, Khangdawng nempi ten manthai law ta uhi. Pasian zau leh nu-le-pate thu hoitahnou a mangte khu khutdaw a vah akimu kha ngai sih hi. Nu-le-Pate thumang utloute khu hun atopni chiengin a totua a gawtna

atan ding uh ngai ngfnam ahi sih hi.,

(iii) Upa t esie te khu jatad ding ahi:- Upa tesie te gen banga gamtat ding khu Khanglaite Mission khat ahi. Tulai in Upa tesie chilou in eisanga Upajawte jatadna zong ikitasam mama uhi. Rev. T. Singson in ka tate'n keima ang jatatlouna uh bangja ahei point ka mudoh hi achi hi.

a) Nangman tesie lukangte jatad inlen jabawl un (Lev. 19:32). Tangval khat in apa kung ah, Pa vaw, tami eibol pie in, nei bawlpieh sih leh kang zep ding ahi, achi hi. Pa vo, chia ahatthei kung a zep ding chia a gih kichipen "Pa vo" kichi pen bang a genna e? chi atheilou ka chi ut hi. I nu ipate, samkangte, i sang a Upajawte jatad ding ahi. Tam khu Khanglaiten ibawl ding ua Pasian in agen ahi.

b) Elisha guolneipa Jericho a naupang 42 ten a totgop ua, guolnei pan gammang lah a vompi 2(ni) hankhie in naupang 42 te khu a unpin a bottelsah hi.

(iv) Pasian giing inlen athu sangin:- (Ecc.12:13) Pasian zong

Tualeh tam sumte khu hoitah a Bank Account a koi a, koitobang imi-isa shina manna tuoh kha aum leh vui angai leh vui zou a, I nnlam thot angaileh thot zou ding khu lamkaite panlahna khat ahia, tami in zong pawlpi mite lungmuong tuomsah mama hi.

12) Tu-le-tua Biehinn kinei zoulou a mi Biehinn kizang ahichiengin, neitahte koina ding Almaira akipoimaw laitahin Zou Presbyterian Women Fellowship(ZPWF) ten dangka Rs.10,000/-(singkhat) in ang lei pieh ziehun lungdamthu zong kigen hi.

13) Tu-le-tua ZPC-Bangalore neitah neite:

1. Acoustic Guitr 2
2. Microphone 1
3. Sacrament Trey 2 leh anou 100
4. Sacrament Cover 2
5. Bucket 2
6. Labu, Local letter head leh a dangdangte ahi.

14) ZPC-Bangalore mi leh sha innlam a umpi a innsung mite koito bangin shina-manna tuoh aumleh Pawlpiin Rs. 200/- a

galna nei a LCC ten thumsahna nei ding chi thupuasah kinei hi.

15) Hattuum kiphu ni 14th September 2009 apat 1st January, 2010 tanah ZPC-Bangalore summu dan tambang ahi:

1. Som-a-khat : Rs. 60,819/-
2. Welfare Fund : Rs. 2,480/-

Tualeh bulpi lama lut ding zousie kimtahn mimal list toh kilutsah tahi.

16) ZPC-Bangalore in zong hattuum dangte toh sepkhomna kineitou zelzel a, adiehin ZCF-Bangalore kikhopna ah lapuina leh Special numberte va kinei-thei hi.

Thamlouin Incharge Pastor in Pawlpi dang Pastorte EBC leh EOCTe toh thumkhawmna leh Pawlpite peitou zel dingdan kikupna nei khawmthei zelzel uhi.

17) ZPC-Bangalore hamphatna khat ahileh innlam a Pawlpi tuomtuom a umte zong huop siengin ki-umthei a, thamlouin innlam a ZPCS member hiloute khu ahapan leh tawmngaipente bangin bangkim ah apangthei ua, tuakhu laphuotu in, 'Vanmang

Kristian Tangkou | ZPC Bangalore

Mailam ah zong bangzat ahiei khat kiteng ding umnalai uhi. Tami khu hattuum dinsa ga thupikhat achi thei hi.

7) Tunitanin Innluotha Incharge Pastorin inn 4 latna zong neizou hi.

8) Tuabanah hattuumte nasep poimaw khat kia ahileh apeisa dated 15/12/2009 nitah dah 3:00pm in (L) Nu. Kangnu w/o Elder. M. Letkhanthang muolsu-ong honna hattuumte inntehna toh loching tahin kihong hi.

9) ZPC Moderator leh Secretary toh Committee na thupuasah bangin dated 8/12/2009 nitah kikhopna ah Chairman leh Secretaryte lamkaina toh 2010 ZPC-Bangalore Local Church Committee vaipotha ding telna secret ballot paper tungton in akinei a, tam anei ate 2010 ZPC-Bangalore LCC ding atel chingte ahi uhi.

Chairman	: Incharge Pastor
Vice Chairman	: Pa. P. Soiminthang
Secretary	: Tv. Ginlianhang
Asst Secy	: Elder. M. Letkhanthang
Finance Secy	: Tv. P. Hangmuanlal
Treasurer	: Pa. Soson

Tualeh member dingte:

16 | February & March 2010

Pa. Mimin, Pa. Muanzou, Tv. Haupu Zou, Tv. Mangliante ahi uhi.

Tuabanah tam telthate leh aluited Incharge kipiehna leh thumsahna dated 19/1/2010 niin Incharge Pastor in nei hi.

NOTE: Koito bang Bangalore a um Pastor sepna amaw, zilna nei a umte khu Ex-Officio member hingal ahi uhi.

10) 2009 Khristmas khu Zomi Christian Fellowship, Bangalore in ZCF min a nei khawm ding a ngetna ang bawl bangun kinei khawm hi. Ahin 2010 New Year lopna khu ZPC-Bangalore minin lochingtah leh nuomtahin kinei thei a, thu-le-laa, neh-le-tah ah mipite kitai mama hi.

11) Pasian zalin Bangalore ah imi isa mi 100-150 tan bang umta ding ahinain, Vangsietna zieh a shi-le-man tuohtheizing ahina toh ZPC-Bangalore in tuabang hina ki-etkolna ding in ‘SOCIAL WELFARE FUND’ kinei a, membrete apat ngapdandan leh kumtha apat Rs.100/- apat atunglam ngap zatzat don ding in thupuasah kinei hi.

Khanglaite Mission | Kristian Tangkou

giinglou, mihing zong giinglou Khanglai nemp a um thei hi. Pasian giin khu “pilna buylpi” ahi chi thupil in ang hil hi. Pasian zau khu akhang, akhang a guoljawl tantheina ahi. Pasian ginglou mihing khu bangteng bawl nanleh aloching theisih ding a, asepa tapou ah, buoina nengneng in a nuazui ding hi. Tuajiehin Pasian zau kichi pen mihing khat in ahin sung adia sil khoh a angai ding ahi.

(v) Nu-le-Pa neiloute, mi-liengvazi gentheite panpi ngaite panpi ding ahi:- (Matt. 4:8; Isai 42:7):- Khanglaite “Mission” khu nu neilu pa neiloute leh gentheite liengvazite panpi ngaite panpi ding khu ahi. Jesu Khrist “Mission” ngel zong khu; Koltangte tankhe ding, mittaw te khuo musah ding khu ahi. Ei singtangmi ten hasatna zat tuomtuom nei nanlei akhohpen tah khu igaal lienpen tah uh khu “gentheite liengvazina gaal” ahi. Khanglaite mawpuohna khu na nu na pate uh khangin tam ‘gentheite liengbvazina gaal’ khu zousih nan ulechin zong noute khang sung beh a jaw teitei na

tup ding uh ahi. Tammin ‘gentheite liengvazina gaal’ khu Thauvui, thautang a jaw thei ahi sih hi. Hinanleh siemna leh pilna leh nasep hakatna in Pasian panpina nei ah tammi gaal khu jawthei ahi. Tulai khangtha a tamzawh bang chi leh ka nu ka pate sangin ka innteng theijaw in ka khosath-ei diei? chi gellou in a nu-le-pa lamsa a suongthei jaw uhi. Tam khu abul isut a ahileh nu-le-pate thumanlou na leh patatlouna a hing kipan ahia, tua khu Pasian i mutheite lou jieuh china ahi.

3. Khanglaite khu Missionary nasep ding a sawl ahi:- Atangpi’n Missionary nasem dia kuon dingte khu migum, kikumtam, Upate, Pastorte leh sawltahte hise dia ngai pawl a um a, hizong ahina hi. Ahivangin tuachi ngai ding zong ahi khawl sih a, azieh i Bible in ang hil a, Jeremia, Timothy, Paul chite tulai hileh PYF Leader/Secretary a pangthei ngen tang ahi ua, zong pang ngei va uh chi i gingta uhi.

Khanglai ichipen, Innkuon sung, khosung hattuum sung leh igam sung adia sawl-jang-khai (Volunteer) ahi ua, amaute thahatna

February & March 2010 | 9

leh taimatna liim ah pawlpite a um a, Innsung, khosung, hatuom sung leh gamsung ahia ‘Meivah’ (Light) ahi ua, nu-le-pa ahatla utoh ta-le-nau toh buoi, Innten louten angaituona utoh chibang a kkuonkhethei nonlou ahi jiehun amau eite adia na pangin, Khanglaite mama kuonkhieh ding hi lou ih?

Etsahna in, paul in, genthei panpina ding in thawlawm athaw ngaikhol sih a, ahivangin athaw ding a ngen pawl ah apang hi; chipenb, Organise bawlthei ten bawl va un, mi organise bawl-nasa a athoptu hipawl zong i um uhi. Tua khu leitung tondan mawngzong ahia, Pasian lemguotna zong ahi.

Khanglaite pen, Pasian nasem ding a kuon khe ding in i nute ipate sangin Talent lienhaw Pasian in ang pe ngei ding in i kinem uhi. Tua khu tang-zang leh hatlaite ihi jieh uh ahi. Rome gieltu in;

“Thu akigen sih leh bang achi ngai khieh thei ta diai? Thugentu sawl ahisih leh bangchin thu khu agen ta diai? Ginna khu ngai-

khieha, kipan ahia, tua thu khu Khrist kitangkoupi a hing kipan ahi, achi hi”

Koi e kuon ding? Nute e, a ta e. Awleh Khanglaite e? Mangpa’n noute leh naupangten a g ensih uleh zong Suongnoute kikou nva uh, achia, mihing sep ding laipi “Suongnouten” sem taleh zumhuoi isa diai? ahisih leh phaze isa valong diai? Tunia Khanglaite lah ah, Mangpa leh agama dia kuon ding in “Isak maitam” a kilan thei bangzat i um uai? Ama gimthuoh khohsahna, Mangpa Jesu “Singlamte” puohpi ngam mpiengtha fleh Mnagpa siemsa mihing tampi mangthai dingte laina tahtah bangzat i um uai?

I mihinpi mihing khat tui in ataw mai ding khu koi in a en ngem diai? i mihing tanpi khat guuomkuoh ah kie henlen ahun khe ding in mihan han taleh tuami hatna khu zalechin na hunkhe sih ding e! Tuami hunkhe ding in Khanglai PYF te ma ahatpen leh ahangsan pen leh a tomngai pen tualeh akilan ngam pen ahi uhi.

“ Ka Mangpa hing hatna bang a Isak maitam a ka kilat in

bawlsah Tv. P. Hangmuanlal s/o Upa. Lunchinthang, Beaulahlane ahia, a matung ah memberte kilungdam mama hi. Koipouin Voice tungtawn a acopy deite leh dohnuom neiten tam anei a email leh Phone numberte tungtonin kanthei zing ahi hi.

4) Pawlpi a kidingta ahichiengin Shina, Manna zong tuohthei zing ahijiehin ZPC- Bangalore minin Indian Christian Cemetery, Hosur Road, Bangalore ah Upa. M. Letkhanthang tawmngaina toh register kibawl zou ahita a, tuamiin Pawlpi mi leh imi isate adingin lungmuonna hing tut hi.

5) Khopi ahina toh kisaiin umna sepnaleh giehnate kigamla thei ahichiengin ZPC minin Prayer Cell (Thuumkhawmna) tu-le-tu in munni ah kineithei hi.

1) Shivaji Nagar Prayer Cell khu dated 8th November 2009 niin Pa. Miminte innah Incharge Pastorin honkhietna anei a, tuami ni apat Prayer Cell leader dinga guottawm Tv. P. Lalboi, Tv. Muanthang, Tv. Manglian, Tv. Thangboi leh Pa. Miminte

lamkaina toh kalchin Pasianni zan dah 12pm-2:00am sungteng Pa. Miminte innah kikhopna kineithei zelzel hi.

Tualeh amauh Prayer cellten kidongkhom sieusieu in Guiter tha khat Rs. 4370/- in lei ua, tam latna dated 31st January, 2010 zanin Incharge Pastorin nei hi.

2) Tuabanah unau EBC hattuomten Prayer Cell ananei na uh Pa. Soson Vualnam s/o Rev. Vungzaliante innah ZPC-Bangalore akidintah jiehin kineikhawm a, tualeh amauhten thawlawm adonte uh 40% ZPC-Bangalore ah hingtoi khawm zelzel uhi.

6) ZPC-Bangalore kiphu zouin I nungah/tangvalte uh innlam ahiei, tami mun a kiteng den pawl bang ang um ua, tuate lah kiteng ding a innlam a hing peitheilou uh ahichiengin LCC thupuasah toh tunitanin nupa kikop thum kitensah ahita hi. Amauhte:

1. Pa. Soson Vualnam leh Nu. Hatnu
2. Pa. Mimin leh Nu. Kikim
3. Pa. Khukhup leh Nu. Lhilingte ahi uhi.

memberte thanopna leh kukalna leh kei zong ZPCS Session ten etkolna/mawpuohna pieh a ka um bangin tam anuoiate sepkhiet leh masawnna tahleng theite ahi hi.

1. 2009 term sung a ZPC-Bangalore Local Church Committee member leh Adviserte tamte ahi uhi.

Chairman	:	Pa. P. Soiminthang
Vice Chairman	:	Pa. Muan Zou
Secretary	:	Pa. Hauneithang
Asst Secy	:	Tv. Ginlianhang
Finance Secy	:	Tv. P. Hangmuanlal
Treasurer	:	Nu. Rebecca
Adviserte	:	1) Elder. M. Letkhanthang 2) Rev. Hangpi Manlunte ahi uhi.

(NOTE:

2009 term sungin LCC in Committee Sagi(7) vei akineithehi hi).

2) Pasion mapuina toh hattuum phu akipat kalchin Sepkiani (Tuesday) nitah dah 3:00-5:00pm sung, City Harvest AG Church ah kikhopna kineithehi zing hi. Tualeh hachin Sepkiani masa penah Sacrament Service kinei thei zing a, thamlouin kikhop chinin thumkhawmna zong kinei leng hi. Tualeh koipou Bangalore hing haw zousie in hing uop dingin ngainatahin kahing chiel ngal ahi.

3) Tualeh tulai khovel khangtou ta ahi chiengin munchin gamchin a mite toh kithu zah theina dingin ZPC Bangalore Email hon ahia, zpcbangalore@rediffmail.com tungtonin koipouin lai nahing hahthei zing tading uhi.

4) Tualeh memberte hanah khovel pumpi a imi-isate toh kithu-zahtheina dingin 'ZPC-BANGALORE VOICE' dated 11/11/2009 niin incharge Pastorin First issue latna nei hi.

Tualeh tam 'ZPC BANGALORE VOICE' Editor leh Sponsor hing

guoljawlna luipi nuomna ahin-gluong".

Tuajiehin, Khanglaite vaw, kingaisut un Mangpa'n Samuel ahat bangin ei Khanglaite zong ang han a, Mangpa bang ding nei chi e? tamna um ing e, mansa ka hi, chi ngam mai un.

4. Khangdawn lai bang chi zou ding:

Khanglai ten a Khangdawn zal zou ding dan a tunga igente zousie ahia, alahtom in anuo a bang in gen kie vai:

- i) Nu leh pate human ding ahi.
- ii) Nute-Pate, Upate leh isanga lienawte zatad ding ahi.
- iii) Upa tese te zatad ding ahi
- iv) Pasion giin a athu man ding ahi.
- v) Nu leh pa neiloute, migen-thei liengvaite, panpi ngaite panpi ding akimansa a um ding ahi.

vi) Thahatlai pet a Mangpa nasem ding a kuon khieh ding (Missionary).

vii) Khanglaite Mission khu 'Sawl' chi ahia, kisawlina phot a kuong ding china ai.

viii) Khangali nu leh pa thumang-te hoi ding lei a zong dam-sawt ding.

ix) Hattuum sung khosung leh gamsung a Upa vaihawmte, vaihawmna thohtu hiding.

x) Nu leh pa tung leh deilam supichin tup ding ahi.

Thuzawna:-

Tuaziehin, Khanglaite vaw, ei Khanglaite kingaisut in i hatlai-pet un Mangpa leh a gam a dingin nasem vai in, kuonkhe vai in, Tua hileh i Khangdawn zal zoute hivai in, i Mission uh supichin leh gasuo i hi thei ding uhi.

Mangpa'n hing guolzawl taken.

Kipahthu Genna

- Deborah Zou
Secretary for Women Relation

Pasian hoina lieu lieu zal in Date 15th Feb. 2010 zingmawng nai 7:30 in Pauline Women Upliftment Central ZPWF Orphanage home Zomi Colony ah ZPWF vaiguonna in honna nei zou ahita.

Tuana toh kisai a buchintlouna zal a bawl ding a kilawmtahtah leh hoizaw tampi ana kibawl khalou leh bawlkhielte tengteng akisai khapite tung a Pasian min in ngaidam ka hing ngen hi.

Tualeh tami nna te, Tailoring Traning Central leh Naupang kep ding thu pen i gam in nei thei mahmah a akithei ziehin Pasian kung ah nuomthu i tut masa uhi. Abitah in Synod lamkai Pastorte leh upate leh namlamkaite ban ah mizousie in ang lunglutpih dan uh akimuziehin tha ahing pe mama uhi.

Tualeh sep ding bawl ding nieng-tui banglouna arrangement leh sep leh bawl ding a poimawh dangdang teng thasiel lou kei a mani ngaikho tah a kituptah a hing sai felpieh khanglaite leh nu-le-pa phatuom ngaite tengteng na mimal uh kung ah kipah thu kang gen kim zousie a, tuazieh in kipah mama kahi uh chi tami I Khristian Tangkou

tungton in na bawn ua tung ah kipahthu kang gen uhi.

Tuaban ah chielna kitup lah chivateh lou a nang zah uh thu nouma a bang a gel kho a na hun manpha uh ban ua sum leh pai nei leh lam manpha tampi tahtah hing pie a hing uap tute zousie te kung ah tami I Khristian Tangkou tungton in ka bawn ua tung ah kipahthu kang gen sawnsawn hi.

Mangpa'n tami silphate tonin i bawn uah tung ah vanghing buoh taken, tualeh a thu mai hilou a i it uh muthei a silpia ahingsulang thei paite khu Pasian min loupina tang ding in leh kipahthu genna kawm in na min uh leh silpiete uh kang tahleng uhi.

Min		Khuo	Van
1) Nh. Lhingkhonieng	Hiengzou	Thangnang khat	
2) Nu Chiinkhanman	Behiangjang	Puonlaisan thupi khat	
3) Nu Lamneikim & Family		Bel khap5 1/2 khat	
4) Pa Liensuonthang	Tonjang	Nou 1/2 Dozen	
5) Upa Khankhohau & Family	Behiangjang	Bel Khap 4 1/2	
6) Upa Thangchinhang & Family	Behiangjang	Bel Khap 5 khat	
7) Behiangjang PWF		Blanket khat	
8) Lamka Dist. PWF		Bridge khat	
9) Central Dist. PWF		Belsun khapkhat	
10) Tuivai Dist. PWF		Bench saukhat	
11) Zotang Dist. PWF		Rs. 1000	
12) Lamka Dist. H/Q Church PWF		Belsun khapkhat	
13) Upa Suonkhanmang Chief	Tangpijol in ZPCS Finance Secretary apuosung teng hachin in Rs. 500/- a pe ding hi.		
14) Pa Lemsei & Family	Tuibuang	Bridge khat	
15) Rev. H. Nengzatun & Family	Zomi Colony	Rs. 100	
16) Pa Khamchinthang	Lailamveng	Rs. 5000	
17) Upa T. Lamkhotang	Zomi Colony	Rs. 1000	
18) Upanu Chingzaniang	Daijang	Steel Khuttamkuong khat	
19) Nu Chinkhanngai	Phailien	Steel Danbel khat	
20) Nu Niengnuomching	Tuibuang	Steel Khuttamkuong khat	
21) Nu Chingngaichiin	Tuibuang	Steel Khuttamkuong khat	

ZOU PRESBYTERIAN CHURCH BANGALORE IN PASIAN MAPUINA TOH MASAWN TOU ZEL

- Rev. Hangpi Manlun, Incharge Pastor

Awle amasapenin Pasian mapuina leh hattuomte thumpina toh ZPC-Bangalore tahsa-le-hagau a Pasian mapuina atantou zel dan kikumthei ding a hun manpha ka tan ziehin lungdam thu kagen masa hi.

I theisa mabangun ZPC-Bangalore khu apeisa dated 14th September, 2009 niin ZPCS Moderator Rev. Awnkhankhup leh Secretary (Sr) Upa. M. Kamzadou ten honna ahingnei uhi. Tuami zou apat